

**MINISTARSTVO PRIVREDE SREDNJOBOSANSKOG
KANTONA TRAVNIK**

JAVNI OGLAS

**ZA NOMINIRANJE KANDIDATA ZA UPRAŽNJENU
POZICIJU ČLANA UPRAVNOG ODBORA
FEDERALNOG ZAVODA ZA PENZIJSKO I
INVALIDSKO OSIGURANJE SA PODRUČJA
SREDNJOBOSANSKOG KANTONA**

1. Oglašava se upražnjena pozicija u Upravnom odboru Federalnog zavoda za penzijsko i invalidsko osiguranje sa područja Srednjobosanskog kantona:

Član upravnog odbora - 1 član.

2. Opis pozicije

Zajedno sa ostalim članovima Upravnog odbora vrši poslove od značaja za oblast penzijskog i invalidskog osiguranja i to:

Donošenje Statuta i drugih opštih akata Federalnog zavoda PIO, donošenje finansijskog plana, usvajanje godišnjeg obračuna, i izvještaja o radu Federalnog zavoda PIO, utvrđuje osnove za obračun i uplatu doprinosa koje nisu propisane posebnim zakonima, imenovanje i razrješavanje direktora i zamjenika direktora Središnje i kantonalnih službi, imenovanje komisija i drugih radnih tijela Upravnog odbora, utvrđuje organizacije Središnje i kantonalnih službi kao i sistematizacije poslova u tim službama, staranje o blagovremenom priticanju sredstava da održi fiskalni balans i ne dozvoli stvaranje obaveza prema korisnicima bilo novčanih ili u vidu vrijednosnih papira koje se ne mogu pokriti iz prihoda, zaključivanje po potrebi ugovora sa nosiocima penzijskog i invalidskog osiguranja RS, vršenje i drugih poslova u skladu sa zakonom, Statutom i drugim opštim aktima Federalnog zavoda PIO.

3. Svaki kandidat za upražnjenu poziciju treba da ispunjava slijedeće opće i posebne uslove:

Opći uslovi:

1. da je državljanin Bosne i Hercegovine,
2. da je stariji od 18 godina,
3. da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od 3 godine prije dana objavljivanja upražnjene pozicije,
4. da nije obuhvaćen odredbama člana IX 1. Ustava Bosne i Hercegovine,
5. da nije izabran stranački zvaničnik, nosilac javnih funkcija, savjetnik u smislu Zakona o sukobima interesa u institucijama vlasti Bosne i Hercegovine ("Službeni glasnik BiH", broj 16/02 i 12/04),
6. da nije osuđivan za krivično djelo i za privredni prijestup,
7. da se protiv njega ne vodi krivični postupak.

Posebni uslovi:

1. da posjeduje univerzitetsku diplomu (VII stepen),
2. značajno radno iskustvo u oblasti javnih finansija, posebno u oblasti penzionog i invalidskog osiguranja,
3. da nema privatni finansijski interes u Federalnom zavodu za penziono i invalidsko osiguranje za čiji se Upravni odbor kandiduje,
4. da nije predsjednik ili član nadzornog ili upravnog odbora u drugom pravnom licu sa većinskim državnim kapitalom.
5. Prilikom procjene klasifikacije i iskustva u obzir će se uzeti i slijedeći kriteriji, a koji će se izraziti bodovima od 1-5:
 - rezultati ostvareni u dosadašnjem radu,
 - sposobnost upravljanja finansijskim sredstvima i ljudskim resursima, sklonost prema timskom radu,
 - komunikacijske i organizacijske sposobnosti.
6. Članovi Upravnog odbora Federalnog zavoda za penzijsko i invalidsko osiguranje imenuju se na period od 2 (dvije) godine, sa mogućnošću ponovnog imenovanja.

7. Svi kandidati koji budu ušli u uži izbor bit će pozvani na intervju i popunit će obrazac, u kojem će se iznijeti bilo koje pitanje koje bi moglo dovesti do sukoba interesa, u slučaju da dođe do njegovog imenovanja. Obrasci će se dostaviti kandidatima prije intervjua. Kandidati koje nakon intervjua preporuči Komisija za provođenje postupka utvrđivanja prijedloga kandidata Vlade Srednjobosanskog kantona za člana Upravnog odbora Federalnog zavoda za PIO/MIO, smatrat će se da su najuspješnije prošli otvorenu konkurenciju. Nominiranje kandidata za člana Upravnog odbora izvršit će Vlada Srednjobosanskog kantona, na osnovu sastavljene liste povoljno ocijenjenih kandidata od strane Komisije, a člana Upravnog odbora konačno će imenovati Vlada Federacije Bosne i Hercegovine.
8. Podnosilac prijave sa kojim se ne stupi u kontakt u roku od 10 (deset) dana od isteka roka za podnošenje prijave neće biti uzet u razmatranje u daljem procesu nominiranja, bez posebnog dostavljanja pismene obavijesti.
9. Prijave kandidata treba da sadrže kraću biografiju, adresu i kontakt telefon.

4. Uz prijavu potrebno je dostaviti:

- uvjerenje o državljanstvu (ne starije od 6 mjeseci),
- rodni list,
- univerzitetsku diplomu (VII stepen),
- dokaz o potrebnom radnom iskustvu,
- dokaz da se ne vodi krivični postupak kod nadležnog kantonalnog suda (ne starije od 6 mjeseci),
- ovjerenu izjavu kandidata iz tačke 3. ovog oglasa - Opći uslovi, alineja 3., 4. i 5.

Svi priloženi dokumenti moraju biti u originalu ili ovjerenoj kopiji.

- Lični podaci o podnosiocima prijave su tajni i mogu se prikupljati i obrađivati samo u skladu sa Zakonom o zaštiti ličnih podataka BiH ("Službeni glasnik BiH", broj 32/01).
- U slučaju kada postoje dokazi da u postupku nominiranja nisu ispoštovani principi ili postupci utvrđeni Zakonom o ministarskim, vladinim i drugim imenovanjima Federacije Bosne i Hercegovine, bilo koji kandidat ili bilo čiji član javnosti, može podnijeti prigovor za konačno nominiranje Vladi Srednjobosanskog kantona, odnosno Vladi Federacije Bosne i Hercegovine, a kopija se dostavlja ombudsmenu Federacije Bosne i Hercegovine.
- Prijavu sa dokazima o ispunjavanju navedenih uslova potrebno je dostaviti u roku od 14 dana od dana posljednjeg javnog objavljivanja ovog oglasa.
- Ovaj Oglas bit će objavljen u "Službenim novinama Federacije BiH" i dnevnom listu "Oslobođenje".
- Nepotpune i neblagovremene prijave neće biti razmatrane.
- Prijave sa traženim dokumentima se dostavljaju lično - predajom na protokol Vlade SBK ili poštom preporučeno na adresu: Ministarstvo privrede, Komisija za izbor, ul. Stanična 43., 72270 Travnik sa naznakom: "PRIJAVA NA JAVNI OGLAS" - za nominiranje kandidata za upražnjenu poziciju člana Upravnog odbora Federalnog zavoda PIO/MIO.

(SI-378/16-F)

OPĆINA USORA

Na temelju članka 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), članka 64. stavak 5. Zakona o zdravstvenoj zaštiti ("Službene novine Federacije BiH", broj 46/10 i 75/13), članka 5. Odluke o kriterijima za imenovanje predsjednika i članova Upravnih vijeća zdravstvenih ustanova čiji je osnivač Općina Usora ("Službeni glasnik Općine Usora", broj 3/11) i članka 41. Statuta Općine Usora ("Službeni glasnik Općine Usora", broj 2/08), općinski načelnik objavljuje

PONOVI JAVNI OGLAS**ZA IZBOR I IMENOVANJE PREDsjedNIKA I ČLANOVA UPRAVNOG VIJEĆA ZDRAVSTVENE USTANOVE ČIJI JE OSNIVAČ OPĆINA USORA**

Objavljuje se Javni oglas za izbor i imenovanje predsjednika i članova Upravnog vijeća zdravstvene ustanove čiji je osnivač Općina Usora

1. Javna ustanova "Dom zdravlja" Usora

- Predsjednik Upravnog vijeća - 1 (jedan)
Iz reda predstavnika osnivača
- Član Upravnog vijeća - 1 (jedan)
Iz reda predstavnika Kantonalnog ministarstva
- Član Upravnog vijeća - 1 (jedan)
Iz reda stručnih djelatnika zdravstvene ustanove.

I. Opis pozicije

Upravno vijeće zdravstvene ustanove donosi pravila odnosno statut ustanove, imenuje i razrješava ravnatelja odnosno v.d. ravnatelja zdravstvene ustanove, utvrđuje plan rada i razvoja zdravstvene ustanove, utvrđuje godišnji program rada, donosi financijski plan i usvaja godišnji obračun, donosi opće akte o unutarnjem uređenju i sistematizaciji poslova i druge opće akte u skladu sa zakonom i statutom zdravstvene ustanove, odlučuje o svim pitanjima obavljanja djelatnosti radi kojih je zdravstvena ustanova osnovana, ako zakonom nije određeno da o određenim pitanjima odlučuje drugi organ zdravstvene ustanove, usmjerava, kontrolira i ocjenjuje rad ravnatelja, rješava sva pitanja iz odnosa sa osnivačem, podnosi osnivaču najmanje jedanput godišnje izvješće o poslovanju ustanove, odgovara osnivaču za rezultate rada ustanove, te obavlja i druge poslove u skladu sa zakonom i statutom zdravstvene ustanove.

Mandat predsjednika i članova Upravnog vijeća zdravstvene ustanove je 4 (četiri) godine uz mogućnost ponovnog imenovanju u skladu sa zakonom.

Naknada za rad u Upravnom vijeću zdravstvene ustanove utvrđena je posebnom odlukom Općinskog vijeća općine Usora sukladno zakonu.

II. Uvjeti za izbor i imenovanje u upravno vijeće zdravstvene ustanove

Kandidati za imenovanje na pozicije u Upravnom vijeću Javna ustanova "Dom zdravlja" Usora moraju ispunjavati slijedeće opće i posebne uvjete.

Opći uvjeti:

1. da je državljanin BiH;
2. da je stariji od 18 godina;
3. da nije otpušten iz državne službe kao rezultat disciplinske mjere, na bilo kojem nivou u Bosni i Hercegovini (bilo na nivou države ili entiteta) u razdoblju od tri (3) godine prije dana objave upražnjene pozicije;
4. da se na njega ne odnosi članak IX stavak 1. Ustava Bosne i Hercegovine;
5. da nije osuđivan za kazneno djelo privredni prijestup, nespojiv sa dužnošću u upravnom odboru zdravstvene ustanove;
6. da nije izabrani zvaničnik, nositelj izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08).

Posebni uvjeti:

1. da ima VII stupanj stručne spreme pravnog, ekonomskog ili zdravstvenog usmjerenja;
2. da ima najmanje tri (tri) godine radnog iskustva u struci;
3. da nema privatni-financijski interes u zdravstvenoj ustanovi u čije se Upravno vijeće kandiduje;
4. da nije ravnatelj zdravstvene ustanove, a koja ima status pravne osobe;
5. da nije član više od jednog upravnog ili nadzornog vijeća.

III. Podnošenje prijave

Prijava kandidata treba sadržavati naznaku pozicije za koju se kandidira, kraći životopis, adresu i kontakt telefon.

Uz prijavu na javni oglas kandidati su dužni priložiti i sljedeće dokumente kao dokaz o ispunjavanju uvjeta:

1. uvjerenje o državljanstvu ili ovjeren preslik osobne iskaznice;
2. izvadak iz matične knjige rođenih;
3. dokaz o školskoj spremi;
4. dokaz o radnom iskustvu;
5. ovjerenu izjavu o ispunjavanju uvjeta iz točke 3, 4, 5. i 6. općih uvjeta i točke 5. posebnih uvjeta.
6. uvjerenje nadležnog suda da se protiv kandidata ne vodi kazneni postupak (ne starije od 3 mjeseca),

Od kandidata koji uđu u uži izbor može biti zatraženo i dostavljanje dodatne dokumentacije.

Dokumenti koji se prilažu uz prijavu moraju biti originali ili ovjerene kopije, a isti se neće vraćati kandidatima.

Svi kandidati koji budu stavljeni na listu za uži izbor biće pozvani na intervju od strane Povjerenstva za izbor koje imenuje općinski načelnik. Nakon intervjua Povjerenstvo za izbor će putem pismene preporuke predložiti rang listu s najboljim kandidatima općinskom načelniku. Konačno imenovanje predsjednika i članova Upravnog vijeća Javne ustanove "Dom zdravlja" Usora na temelju prijedloga Općinskog načelnika vrši Općinsko vijeće Usora.

U slučaju kada postoje dokazi da u postupku imenovanja nisu ispoštovana načela ili postupci utvrđeni Zakonom o ministarskim, vladinim i drugim imenovanjima FBiH, bilo koji kandidat ili bilo koji član javnosti može podnijeti prigovor na konačno imenovanje.

Prigovor se podnosi odgovornom javnom službeniku, a kopija se dostavlja ombudsmenu za ljudska prava u Federaciji BiH.

Javni oglas će biti objavljen u "Službenim novinama Federacije BiH", Dnevnom listu Mostar, Radio postaji Usora, web stranici Općine Usora i Oglasnoj ploči Općine Usora.

Rok za podnošenje prijave je 15 dana od dana posljednjeg objavljivanja oglasa.

Posljednji dan podnošenja prijave računa se prema datumu objave u glasilu koje posljednje bude objavilo ovaj oglas.

Neblagovremene i nepotpune prijave neće biti uzete u razmatranje. Prijave kandidata koji su na funkciji u političkoj stranci će se odbaciti (kandidati koji se ne kvalificiraju) sukladno Zakonu o ministarskim, vladinim i drugim imenovanjima FBiH.

Prljave sa svim traženim dokumentima mogu se dostaviti osobno ili poštom, preporučeno na adresu:

Povjerenstvo za izbor predsjednika i članova Upravnog vijeća
Javne ustanove Dom zdravlja Usora,
Općina Usora, Sivša bb, 74230 Usora
sa naznakom:

Prljava na Javni oglas za izbor i imenovanje predsjednika i članova Upravnog vijeća Javne ustanove Dom zdravlja Usora
- NE OTVARATI -

Za sve dodatne informacije zainteresirani se mogu obratiti na telefon 032/893-479.

(SI-379/16-F)

DOM ZDRAVLJA ŽIVINICE

Na osnovu člana 8. Zakona o ministarskim, vladinim i drugim imenovanjima Federacije BiH ("Službene novine Federacije BiH", broj 12/03, 34/03 i 65/13), člana 64. Zakona o zdravstvenoj zaštiti ("Službene novine Federacije BiH", broj 46/10 i 75/13), Odluke o utvrđivanju kriterija za imenovanje članova upravnog odbora JZU "Dom zdravlja" Živinice i JZU "Narodna apoteka" Živinice ("Službeni glasnik Općine Živnice", broj 4/12 i 7/12), Zaključka Općinskog vijeća Živinice broj 10-05-728-15/2016 od 28.01.2016. godine ("Službeni glasnik općine Živinice", broj 3/16), JZU Dom zdravlja Živinice objavljuje